

四庫

全書

四庫全書

全書

第一二九冊

四庫全書

●上海古籍出版社

本冊目次

東 忠 松 建 簡
附

憲 惠 隱 康 齋

集 錄 集 集 集 集

宋張擴撰……………一

宋翟汝文撰……………一八一

宋曹勛撰……………三一九

宋葉夢得撰……………五八七

宋陳與義撰……………六六三

欽定四庫全書

集部

東憲集卷二

欽定四庫全書

集部四

提要

東憲集十六卷

別集類三宋

臣等謹案東憲集十六卷宋張擴撰擴字彥實一字子微德興人宋史不為立傳江西通志載其崇寧中進士授國子監簿遷博士調處州工曹召為秘書省校書郎尋充館職南渡歷中書舍人當有所據也宋志載擴東憲集四

欽定四庫全書

東憲集提要

詳校官庶吉士臣翁樹培
侍讀臣孫球履勘

膳銀監生臣張曾璣

十卷又詩十卷而陳振孫書錄解題不著於錄則在宋末已不甚傳故元明以來談藝者罕相稱引惟永樂大典尚多錄其詩文其為中書舍人時所作制詞尤夥大抵溫麗辭家與汪藻可以聯軀謹採掇編緝釐為一十六卷其為秦檜追贈祖父及万俟卨兼侍讀諸制極詞諛頌純繆殊深考王明清揮麈餘話稱擴為著作郎其兄秘書少監楚材新婚約

觀梅西湖擴賦詩有折歸忍負金蕉葉笑掉

新臨玉鏡臺之句秦檜見之大稱賞曰旦夕

當以文字官相處遷擢左史再遷而掌外制

是擴本因檜得進故假草制以貢媚其為人

殊不足道然擴所交遊如朱翌曾慥呂本中

徐俯皆一代勝流切劘有助故詞采清麗斐

然可觀要亦未可盡沒也其中贈顧景繁詩

龔明之中吳紀聞僅載有五十六字厲鵠宋

欽定四庫全書

東坡集

詩紀事遂引作絕句二首今檢閱舊文乃知

為七言古詩二篇明之特節錄數語鵠蓋未

覩斯集是以傳說亦足云罕觀之笑矣乾隆

四十六年九月恭校上

總纂官臣紀昀陸錫熊孫士毅

總校官臣陸費曄

欽定四庫全書

東窓集卷二

宋 張擴 撰

五言古詩

子溫姪用再聞誦新作突過黃初詩作十詩見

遺軌勉強次韻

小人無遠謀湮沒如湛輩曾中氣奄奄垂盡鼓一再安

知翰墨場李杜凜然在文章作甘棠百世貞遺愛

退休小得計耳冷百不聞戎馬巨奈何四郊尚兵氛眼

欽定四庫全書

東坡集

中習主簿才似李將軍小試未為屈有君如華勲

十年功名心客枕寄歸夢衆中不卓立老大復何用收

身入禪寂蔬茹飽僧供蛙鳴誰官私聊欲當絃誦

大道昔彫喪夷塗日荒榛進無活國謀俯仰多由人

生幾何時夜旦互相因往者不可作未妨來日新

國風久淪亡毛鄭紛六鑿譬如秋水篇破壞向與郭千

年兄淵明五字配前作誰傳古人訣定自顧方略

吾詩窘時窮章句羞拙訥君詩非吾偶齊大輕鄭忽雷

門不敢過西施忌唐突政當就阿戎談天搜理窟
贈篇最崛奇披讀輒三過巧如媧皇手五色補天破珍
宜宗廟享淨戒兒女泥誰能續離騷且用追楚些

達人雲間鶴初不謀稻梁渠有酒百壺買舟從伯郎世
間乳臭兒衣服誇玄黃豈識衛叔寶胸中無膏肓

躬耕良苦辛十畝手自鋤我窮分定耳矧復憐封胡君
今未三十詩聲殿黃初後生要努力勿及几杖扶

連門水竹居照映麋鹿安子戴靖節巾得我如遠師花

欽定四庫全書

東坡集

二

黃催重九羽葆雜金規未能沽酒飲且賦止酒詩

子溫縣丞姪長篇見贈并攜少卿伯父梅堂所
賦絕句相示翰墨宛然嘆息久之因次其韻

平生張洪州豪氣壓羣士唾視狗鼠輩紛紛何足數晚
登文石陞劔服峨嵋具高論忍違時所愧罔君父至今
家集中秩秩有倫次流傳到諸孫誰復步亦步此翁日
已遠疇昔旦暮遇何溫少也典芝蘭秀而紫狀貌類洪
州談笑了萬事筆端見微鉅妙解如削鑲精剛金百鍊

該貫龜五聚俗學不足詆紛紛或殊趣斯文懸諸天宇
字有分付諛詞頗亂真蕪類少刪去吾子壯且勇政在

戒逸豫昨者忽過門短袖出長句軒然稱正平坐誦鸛
鵲賦洞庭莽空濶終日奏咸茂初非郭林宗豈識黃叔

度但驚錦囊文及此春秋富未能賞雌霓且復說奇字
吾年過半百世事亦何慕杖屨相扶攜筋骸日僵仆猶

於五字中彫刻歎水柱習氣未易掃貪味如桂露肯借
梅堂篇風流憶張緒珍藏幾何時應有神物護今晨偶

欽定四庫全書

東坡集

三

開展英彩照江阜後生要着鞭探討及微處遺予真過
矣娟潔忌沾汗清夢渺春草惺談羞秋杜慎勿索其餘
恐君癡叔似

次韻大年姪見贈古詩二首

人生幾何時心地要平曠不須意外求辛苦尋鉤鑿此
卽有高處智出百夫上禪憲接輿語眉宇春盎盎詩壇
久失律齋戒欲謀將誰專筆陣功定起太公望
君文秋水篇曲士羞臆度吾文元尚白窮老甘寂寞向

來失宗盟士氣日卑弱後生苗未秀况復病草惡如君
真挺特文字獸一角頭風吾何憂解后當勿藥

大年者年各賦長篇投名詩社中顧景蕃及伯
初子溫二姪傳誦喜甚子溫有詩因次其韻

諸君總能詩字字秉忠信聯章輒驚人我老終不近朝
來試披讀花雨亂中衽獨慙草元迂浪說周易準至今
覆瓿謗文字愧小謹昨觀兩雄篇詞永溢肝腎高參風
雅淳俯謝邊幅窘誰能報殷役怒語激先軫吾軍老而
欽定四庫全書
東坡集
卷一
怯望敵倒戈盾會看兩猶子秋風橫鴈陣

蓬萊室

巨壑戴浮水屹然瀛海中斷取入君手素葉懸鉞鋒君
本山中人俗子那用逢猶應謁帝夢佩環揺天風

子溫作驅瘡詩伯初與顧景蕃皆屬和蕃以謂
不當止酒初以謂宜錄元氣子亦戲次其韻

小兒私化權令行錯窮冬淫瘍薄皴膚欲戰壘塊胸道
人寢不平怒髮忽上衝饒夫猶收痴義士唯吮癰快無

僊爪爬濫有苦劑攻坐令費譏訶沾汗文字中虎頭筆
有神衆妖避其鋒似聞以意醫請用三杯通阿兄言更
深細述葆鍊功二說俱可人而子將何從酒醇儻消憂
氣厚定保躬自然四體胖那復百病函吾聞柳州語禍
物人猶蠱旻蒼厭呻呼疴癢應汝容疾去會有時未為
吾道窮汝自多識者吾言猶怱怱

送惠子澤工曹罷官還陝右

關西多名流後出亦豪俠三年佐幕府論事費口類人

欽定四庫全書

東坡集
卷一

五

情易薰染久或化為怯不如穀屯去歸路馬蹀躞雖無
米千斛尚有書百篋吾曹官為家窮老漫隨牒南州美
風土水淨山九疊子嘗訪之我行欲買舟揖我本江湖
人妙處飽經涉誰能老作僉政恐夢為蝶

曾微言學士求賦所蓄端硯曾嘗避亂海陵家
皆盡沒于賊獨攜此硯脫去

君家文房珍尤者一二數端溪從誰得不記歲月古中
霍隱天成外削餘雷斧色羞龍尾乾質陋淮臺厥平生

依石丈什襲費調護向來萑葦中險作百碎補脫身間
道還神物遠侵侮他年沉香亭奉詔翻樂府周旋妃子
手借潤毛與楮

次韻周嘉仲刑曹簡航師食筍四首

籜龍養不得託根暫神奇忽化清淨供結緣貧道歸回
甘滋齒頰常帶泉石滋要知服食功不減瓊田芝
此君淡難交挺挺如立玉何意昆仍中為人償口腹羣
嬰脫錦襦珍勝鸞頂肉猶堪作味諫沒齒蠲腊毒

欽定四庫全書

宋高宗

六

長鏡太寡恩斷喪東南美至今管城封濫罰及屠子例
求一赦貸餘潤乞松髓周旋南董手罵賊到盧杞

周郎清而臞菜把助嚴苦樂中玉離離醞釀冰雪語向
來幾時亡徑欲就君補請讀食笋篇微言皆可咀

謝元齡惠貓頭笋子去春曾同元齡伯初昆仲

子公顧景蕃經行林間掘笋以歸子公刻名竹

上也

狸奴戴頭來本是籜龍種長鏡借願力挽汝入珍供晨

庖辱分甘輒應食指動令人懷舊游春服榮華從竹間
留名字小刻妙南董

送次公姪從辟顏拱衛軍中

結髮事師友投身翰墨場技成忽棄去短衣親戎行平
生萬卷書豈無活國方不如口擊賊對面用所長顏侯
將家種勇過王鐵槍整瓠每先登裂袂裏箭創得君如
敵國乳臭未易當中原干戈滿獵虎政陸梁誰專發縱
策坐待鉅脫囊事平各分功千級歎莫償位卑君勿言

欽定四庫全書

宋高宗

七

儒雅故自將會從僉籍中微見秦凱章

短句調子溫姪

阿丞善談詩眼如九方臯相馬空馬羣妙在遺骨毛衰
老鑽不入鈍愚如素膏後生不應爾筆力生波濤黃絹
幼婦語莫負秋風高

與客手談坐久廢食瘡子忽作病退家人相勸
從此却枰因為數語以自解甚似劉伯倫斷酒
文也昔孟嘉嗜酒或曰酒有何好而卿嗜之嘉

曰公未得酒中趣爾子於弈碁亦云

碁亦有何好味如酒中天勝處要自知宜為醒者傳吾
身等芭蕉幻質非真堅儻無輕舉訣未免憂患纏願從
爛柯叟時作坐隱僊人生幾兩屐不媿阮孚賢

詩社近日稍稍復振而顧子美堅壁既久伯初

以詩致師請于老僕無語但乞解嚴爾

宣城詩不多警句憶江練至今一班在時許管中見顧
後更難窺機鋒捷于電欲求換骨訣如仰射空箭近逃

欽定四庫全書

李商隱集

卷一

滑稽嘲不著毛穎傳深藏品題手舉市謝葵扇我知老
成人別得妙方便要留一轉語準備奔北股後生古如
鉅酬荅了忘倦不須遠乞兵墜手當八面小人智謀短
敢倚筋力健請馳班師檄白罷兩河戰

盛暑得竹簟甚精戲為之賦

南山小獐龍離立身蒼蒼舊任管城子脫帽棲文房詩
書每誤身或得敗塚殃冷鳩稍知音與致離鳳凰人云
不如肉笨伯豈我當何如碎其身織翠供文章舒卷得

自試作配六尺床主人冰玉潔風味如潘郎奉身無長
物却暑有奇方空庭貯明月皎皎夜未央卧看河漢移
使我侵肌涼床間老夫人面冷如嚴霜相與有瓜葛未
用或參商孤高自可守炎熱安得長君看白羽扇秋後
徒悲傷

次韻顧景蕃和倪表師避謗軒詩

大倪昔遭讒中路駭車覆今人刺舌戒默坐惴空谷小
倪不類渠先見妙著卜閑門自澡雪巧舌欲誰讎顧侯

欽定四庫全書

李商隱集

卷一

以詩來披咏輒三復後生真可畏我亦慕前躅謗書空
滿篋底用展終幅逢人但稱好莫問甲煎俗

汴中追寄呂居仁學士

頻年如隔生相見各潦倒不聞語咕咕但怪別草草故
人俄老矣零落秋葉掃往者蘓韓華人品豈不好時危
頗賴渠悅憤塵一窖五湖在何許狼籍付鷗鳥春風掠
湖尾萼綠日夜老我行望吳越尚及身檢校請分十頃
餘遲子洗鞢帽

次韻出郊

枝頭見春風恍覺光景逼人
生謾拘擊且作半日適荒
郊晴亦好當費幾兩屐會有遮我留田家嬰貧積

宿山寺詩

羸馬不受鞭倦僕足生繭茫然山徑間馳急路逾遠古
寺翳林薄投宿日昏晚夢魔不可眠青燈照愁眼

臘前五日立春天氣極暄妍今復雨電凜凜不
休所居梅花方盛開一雨零落殆盡悵然為賦

欽定四庫全書

李寬集

此詩

東風破殘臘吹盡五日寒晴光下楊柳弄影闌鴨欄錦
鱗觸輕冰碎玉已珊珊日夜望鮮榮發我砌下蘭寒去
仍復來崛強作跳丸爛漫江梅花孤芳忽飄殘落跡不
可綴香雪空闌干賴有青春心養此商羹酸

遊天台山石橋

亂山雲溟濛修徑石盤錯聲聞住世果窟宅過巖壑我
行適遇雨風籟響天樂石橋定鬼設險滑不容脚臨流

輒生怖政墮慈韭惡猶欣墨華供尚及薦杯勺分嘗不
敢餘稽首謝發藥

元齡招飲未果赴復以詩見促輒次其韻并呈

景蕃

主人劇風味玉壺涵春水惡客費招呼詩來委弓旌兩
季復可人名應處士星請從狗竇窺敢辱蒲輪迎我昨
占食指似當嘗鼈羹平日口腹累老窮尚蠅營百花曉
無跡良辰況難并虎頭政病酒渴肺憐江清未知幾百

欽定四庫全書

李寬集

蓋澆腸訶雷鳴歸時戒被肘會見金盆傾

題龔士掾廳壁畫遂山并序

吾友彥承氣直而勇真有用於世者林公甫

呂居仁諸公相率賦畫壁之什因以勉之

古來終南山引手得佳處未負移文慙已遭提徑語公
真樂山者爽氣落眉宇平生手中板不暇著頰挂叩門
無俗客何礙入官府人生一縷氣所愧吞不吐畫山猶
畫餅餘習近兒女勿學好事人吾言當有取

遊虎丘寺詩

官舟轉城隅十里虎丘路招提占山頂像設儼廊廡池
深歸寶釵石老化蹲虎晉時生法師談辨阿佛祖至今
講經地往往拾花雨我行及搖落秋色侵杖屨衲僧施
淨供汲井薦牛乳平臺俯曠野櫟極莽四顧累累多新
塚不見真娘墓

次韻趙悅中防禦喜雪

天南霜力微不洗瘴地暖窮冬雪一尺坐受坑谷滿夢

欽定四庫全書

東坡集
卷一

五

聞浙瀝聲驚起欲窺管敢倚狐貉溫但愁衣帶緩王孫
雪爭妍耿耿抱丹款閉門不知寒高卧腹自坦紙窗飛
花集亂撲書檠短不憂詩作魔政藉酒為伴忽枉郢人
曲懸知和者罕猶餘雪清甘味勝茶七椀

君山

亂山如羣羊合沓千里奔君山屹當前盤踞老虎蹲巨
鎮壓坤維層巔沒雲屯下瞰大溪流千尺清不渾舟人
落風帆挽繚繫山根欲上看星斗懸崖那可捫

奉和朱新仲祠部六月晦日省宿用白樂天詩
無波古井水有節秋竹竿十字為韻

漫郎省中宿展轉良夜徂遇雨忽催詩君詩不可無夜
闌風轉高秋聲倒江湖前對百尺井夢中聞輓轡
六月忽已晦餘月復幾何紉扇暫去手簟紋欲生波詰
朝天門開冠釵爭巍我驚馬策不入獐方如騎騾
街鼓肅市喧爐薰起煙縷掩關一繩床坐穩得處所風
前數莖竹偃蹇不受暑初無兒女姿氣貌頗高古

欽定四庫全書

東坡集
卷一

五

我乃抱俗人老蛙窺坎井從君已再暑造席謾三請倒
床輒雷鳴使腹費嘲哂君豈錄我者胃次涵萬頃
玉壺貯層氷憐子清徹底對之三伏中愧我汗如水謬
呼同舍郎坐席更論齒從今痛自戒子出則我止
昨者東觀游歲月未覺久對床屢忘形持論相可否君
年雖減我文字稱祭酒十篇亦奇偉乞我未曾有
陰陽無停機百物競時節燠寒更事爾氣至自融結炎
天勿怨嗟歲晏見霜雪此時衣褐單但恨不得熱

粗豆能折衝儒冠或兜鍪六月早奏功豈待防高秋俗
士懷晏安所至賈人留襟被應自疏未知幾宜休
疾風掃蚊雷勢力如破竹青奴冷侵肌此乃我所欲周
旋蝸舍中未用數跣伏亦莫問馬曹微文禁離局
祠曹秉史筆翰墨窺金鑒燈火漸可親蠹葉字未漫玉
殿行奏書秋暉上旌竿君文永有託九廟方如盤

送向履方吏部提刑浙西

君曾仗使節惠決東吳民宜無賢大夫平反孰與君省

欽定四庫全書

東坡集

古

戶昔即潛渴見老成人賜還席未煩被遣日已新瘡痍

要撫摩秋荼傷吾仁掾吏熟官長定不專惠文

履方舊以省郎

爲本路憲

括蒼官舍夏日雜書五首

南方饒鬱蒸頗厭夏日永好風從南來分我簟枕冷官

曹早歸休客禮疎造請讀書無近功睡魔印湯餅誰家

烹茶急贏餅斷脩鯁

昨日猶苦雨高簷如懸麻今朝陰雲開閃閃見日花孤

城如斗大籬落無千家共迫口腹營不如市井譁日暮
計錐刀辛苦良可嗟吾儕宜達者亦是蛇憐蛇

富者餘金玉所畏盜賊攻貧人迫饑寒無余四壁窮我
令仰官給政在貧富中雖無兩者憂歸興忽已濃同僚
相掩覆幸此東郭蹤獨念素餐者幽暗弗汝容

狴犴深局錡符驗劇關防老胥蛇蝥心抱案鬼驚行我
無平反手補剗救闕傷但知三尺律絲髮不可撓便文
真得計所愧漢子張

欽定四庫全書

東坡集

五

說詩如說禪妙處要懸解無人具眼目胃臆空壘塊吾

友呂居仁句法入三昧向者五言城精密逼前輩教我

深耕鋤歲晚識稊稗三年苦未領慚愧朋友戒

庭前兩鳴鵲

庭前兩鳴鵲聲好色亦美曾陪織女駕或是竇家子誰

云屋上烏可厭不可邇烏能逐人好鵲竟誤君喜烏鵲

莫愛憎鵲任生死

讀試卷有感

巧語互一律紛然如鈇鋒揮筆餘萬言積案成千重誰
令繆悠子持衡居其中兩目病且昏不辨牛馬蹤而使
視試文豈能分雌雄往時心力彊眼明耳猶聰本欲藉
科舉脫此文字攻一朝反自縛身隨蠹書蠹負郭有田
園猶存荒菊叢頻年秔稻熟酒賤草不空胡不駕柴車
遠揖陶令風作詩請伯氏林下相追從

送王賓察院提點成都府路刑獄

三峽占地嶮風濤漲高秋君還席未穩忽理上水舟潭

欽定四庫全書

東坡集

卷六

潭御史府登用第一流持斧亦間遣平反要分憂岷峨
接家山民瘼不待求身從日邊來彈壓西南州風煙亂
老眼轉覺詩語道平生補衮心敢為衣錦留賦歸摩刀
環趣覲瞻前旒會收巖壑姿入綴鵬鷺游誰云蜀道遠
笑却萬里愁灑瀕漫如馬莫作忠臣羞

送韓存中侍郎赴隨州

昔時公卿門一飯日三吐末流士自棄此道久如土韓
公昌黎喬樂善從其祖低頭拜東野舉頭望杜甫今年

河陽歸坐穩得處所開闢逢俗人却走唾腐鼠禪房大
如掌僅著范蘇呂

范信中蘇叔
宛呂居仁

小人江湖散賦性甚愚

魯青衫揮手板舌卷紙上語曾從諸公遊過聽謬見許

嘗聞公姓名桓桓貌與虎

公嘗奉使拜
丹頭見畏重

乞身雖及早朝

論久未與昨日恩詔下還分一麾去風霜侵行李笳角

嚴曉鼓漢東諸侯國文物畧近古下車訪諸生往往得

何武莫空罇前酒豈乏戶外屢應還二三子雪擁一環

堵詩成欲相寄黃鵠短翎羽阿連儻可借千里亦跬步

欽定四庫全書

東坡集

卷七

其弟秉則侍行諸人尤
惜其去故末章及之

送胡德輝禮部知嚴州先還毗陵待闕

識君大梁城才逸驥千里相從十年後志節老彌厲石
渠浩圖史萬事問伯始為郎初未伸請郡聊自試連朝
風雨惡春日尚餘幾故山窻戶接危酒庭闌喜離別不
足云得詩倘頻寄

送邵公濟校書守果州分韻得歌字

人物妙伊洛衣冠肩上游君門世所高家學承丘軻斯

文晚付君自信保不磨平生眼中書五車未為多一字
不惜力虛名空作魔我數奉談塵老頑君弗訶持酒欲
挽君酒盡如君何百丈沂已峽脩途接岷峨新句探古
錦好風散沉疴先君果山政惠愛如春和向來窺一斑
再至鬢已皤會尋竹馬盟為續襦袴歌

周秀實監丞聞嘉禾兵亂請急歸唁其親朋還
朝有作因次其韻

羽書劇紛綸將士媿庸懦誰扶中興舉康濟湏十亂周
欽定四庫全書

東憲集
卷一

六

郎人中傑表表蒼栢幹向來圓城厄夢想音信斷瞻敬
會有時神明恍還觀他年銓衡手抗論清月旦勿為俗
人言鐘鼓驚斥鷃

次韻伯初春日村居

君新御祥琴哀調寫苦塊夕衣愴純素忍復向綵繡春
風苦撩人浪信翦刀碎試尋桃李枝紅白已平配嗟予
老亡聊屋角委冠珮出門如鬼繫久不厭闌闌憐君佛
屋底喜客妙占對家田半收秫掀簸出春碓不妨釀春

酒莫及春事退要觀空洞腹容我數百輩

欽定四庫全書

東憲集
卷一

十九

欽定四庫全書

東憲集卷二

宋 張擴 撰

七言古詩

次韻方仲運使兄遊允仲花園卽事

園中主人老書生結髮入仕今辭榮自培花柳趁時節
客來時亦倒屣迎江西使者歸更早功名夙成良狗烹
今晨相遇及閒暇短榻分坐如意橫竹間細路元屈曲
雪後諸峯自分明豈無麗人奉巾櫛瓊枝照眼生光晶

欽定四庫全書

東憲集
卷二

新蔬無價手自撷濁酒有功面微頰似聞野燒出奇觀
風中烈焰若化城湏臾變滅了無迹何獨世事遭紛更
逢場作戲達者事感物入詠詩人情來篇況是水雪語
三復使人毛骨輕欲續短章却袖手偏師莫犯細柳營
建炎辛亥八月二十六日夜夢艤舟江岸與梅
和勝論詩梅出古詩示予極壯麗復為予作湯
餅方就席視梅手中器已十裂湯餅淋漓瀉覺而
悵然作此篇

青燈吐吞幃幔間竹風吹衾夢初圓故人頸血化秋碧
詩語尚作春花妍平生酒炙飽澆潑湯餅那用相周旋
卽今彊敵要電掃四海銜憤聲徹天乞靈上帝真易耳
底事未忘章句傳

題長沙王祠

霸上真人赤龍子西滅彊秦東破楚一時佐命皆人豪
崛起屠沽拔行伍番君舊德江湖情不用智勇收功名
抑然退讓古君子坐視八姐登韓彭漢家南面屬同姓

欽定四庫全書

東憲集
卷二

公亦疏封奉朝請至今遺愛祀鄉人不獨當年書甲令
雙椿堂牡丹盛開彥紳節推弟置酒集客子溫
不在席中以詩乞花歸賞因次其韻

春風不悞東君委杏花苑桃蹊滿行李春風好處總未忙
姚花初黃魏花紫洛陽園中枝梗肥歌壓帽簷如覆巖
南遷終覺典刑在不數侍女誇時宜詩中了了惜花意
苦覓繁枝定誰寄何如秉燭坐花傍照到夜分從闔派
子溫用前韻催彥紳賞牡丹未及開罇請再作

詩促之

後園冠蓋如雲委坐客其誰數程李吾家小謝自風流
薄羅新染香囊紫老翁看花心已疲數負十分金屈厄
君今年妙言語便愛酒惜花諸事宜春光不為主人計
行色匆匆更如寄欲借珠璣一再酬恐君泣盡鮫人淚

次韻何任叟正字館中試茶

金拌猥稱擯柳珍藿食未辨汗吾脣茶丁妙寫犀鏤真
排方似欲驕華紳為君走碾颺微塵羊腸聲乾行隻輪

欽定四庫全書

東齋集

三

柘羅裁絹素纒勻筒絲巧織霜後筠中貯刀圭護百神
乳花初幻人間春計君別品尚絕倫完璧不受敵國嗔
白虹夜氣千秋是把玩自覺古生津天衢小草搜八垠
蒙山顧渚亦懷新香歇色壞非法身妖星森索避北辰
不須會稗權羣臣龍翔鳳翥登巖宸向來策勲自有人
君其問諸脩水濱

伯初姪謁客道傍叢竹間見梅花盛開村人不
知賞嗟惜賦詩因次韻

少年眼似春氷滑風味最于花曲折衝泥訪客竹邊過
邂逅寒梅照蹀節不應誤落野人手自賦新詩為昭雪
坐憐窮臘太嚴苦萬木如僵生意絕零丁老拚獨回暖
似借餘波霑涸轍今君把玩不忍去吹面朔風皺欲裂
還家笑我病墮陔茅屋千竈牆百穴自言親到玉妃館
縞練分行洗紋纈詩成不費鑪錘功君看錦綉句成鐵

用伯初韻再和一篇請子溫戶曹同賦

孤山山下苔痕滑翠竹扶疎水方折靚粧無數招不應

欽定四庫全書

東齋集

四

曾與先生護名節即今湖上荆棘滿誰見穿林度飛雪
道傍數本忽照眼所喜風流未中絕不嫌青女暫試粉
却要風師小回轍君看萬點已可憐半雜春泥封地裂
版曹平生詩作史坐隕故人探禹穴惜花未忍任零落
借酒生春面如纈酒醒定作返魂章筆底有丹工點鐵
再次韻簡子溫

予詩久媿溪藤滑佩服君詩生聲折君詩盤錯見梅詩
似借梅花作根節梅花元非世間種雪裏開花白於雪